

نومرو : ۹۹

اداره خانه

ایستانبول ، جفال اوغلنده

داثره اجتهدده

“ Idjtihad ” Constantinople

دوردنجی سنه

اجتهاد

حریت فکریه یه خادم

نجشنبه کونلری حیقار اجتماعی، ادبی مجموعه

مدیر مرخص : الہامی صفا

۲۷ مارت ۱۳۳۰

آبونه

سنه لك آلتی آیلق

تورکیا ایچین ۵۴ غروش ۳۰ غروش

ممالك اجنبیه ایچین ۱۵۱ فرانق ۸ فرانق

نسخه سی ۵۰ باره یه

سقوط اسلام تاریخی اوکنده

— جنکیز، هلاکو، تیمورلنک —

«جنکیز» ك غریبه، ماواءالنهره استیلاسنه کوستریلن اسبابدن بریسنی ده بعض تورك متفكرلری «ایران-توران» افسانهسی اوزهرینه بنا ایدیورلر.

واقعا ساسانیلرک عهد حکومتنده چین حدودنده دائماً راحتسز قالان تورکک غرب چتهلرینه دوغرو یورومک ایستیورلر، اوراده ایرانلردن دهشتلی بر مقاومت کوریورلردی.

ساسانیلر تورک سرکذشتجولرینه غرب - جنوب یوللارینی قاپامشلا ایدی. ایشته «فردوسی» نك شهنامهده تصویر ایتدیکی جداك اساسی بودر.. فردوسی باشند باشه بر «ایران» دین وملتینی ترنم ایلشدر..

فردوسی تورکی، عربی دائماً ازمش، دائماً خیر پالامشدر. فردوسی ایچون منظور وجدان اولان ایران ایدی... او ایرانی تورکک سیف جلادتی، عربک دین مبینی آلتنده خوار، چوکوک، ذلیل کوریور و معظم بر تاریخ قدیمک انقراض تارمارای اورتهسنده جلیل وقدرتکار بر ایران کورمک ایستیور. سوگرا...

حسن وفکرینک معبوده خیالیسی اولان ایرانک زوال وفلاکته سبب اولانلره هجوم ایلور.. ایرانه شهنامه، تورکه - عربیه هجوملر یازیور و نهایت ایرانی عربک - تورکک مغلوبی کوردیکی ایچون قابل دکل عفو ایدمییوردی. کنیش مخیلهسنده کی بو صنمک حضور عشقنده او قودینی نشاند نالان فردوسی ده غنغنهوی بر عداوتک بتون اتشلرینی شدتلندیریور:

۱ زشیر شتر خوردن وسوسمار

عربرا بجای رسیدست کار

که تاج کیانرا کنند آرزو

تقو، بر تو ای جرخ کردان تقو! [۱*]

[*] معناسی: دوه سوتی ایچن ویلان آتی بیهن عربلر، اولیه بر موقعه کلدیلر که کیانان تاج سلطنتی ایستیورلر. هی جرخ کردان، تو سنک یوزیکه، تو...!

فردوسی مسلمان اولدیفنی دین حقتک عرب مجاهداتیه ایرانه کیردیکنی اونو تاجق قدر ایلری وارییور. ایشته «ایران - توران» افسانهسی طوسینک شهنامهسیله مؤبدآ یاشاتیلمشدر...

شهنامه، ایرانی یاشاتمق، لسان فرسی احیا ایتک ایچون یازلمشدر.. غزنویدن اومدیفنی بول مکافات کورمه مین فردوسی طاشغین بر لسان هجومکار ایله ولی النعمته هجوم ایدرکن بو حقیقی اعلان ایتیموری؟

عجم زنده کردم بدن پارسی [۱*]

حقیقی دائماً طوسینک شهنامهسنده بر غایه آمالدر. ایران، تورکک اوزرنده دائماً بر نفوذ معنوی ایله حاکم و مربی یاشامشدر. بو، پک طبیعی ایدی.

تورکک سرکذشتجو، ماجرا پرست، هر دم سیار ایکن یالکز وظیفهسی چین، ایران، عرب مدنیتی شورادن بورا ی نقل ایتمکدن عبارت قالیوردی. و تورکک آراسنده یقشمش پک چوق داهیلر موجود اولدیفنی حالده هان هپسی ایران و عرب مدنیتک تأثیریه تورککلکنی اونو تمشدی.. حتی، تورکک دیلی مساعد بیله اولسه بوکون اجدادیمزک متروکات فکریه سنی عرب و عجم لسانلریله بولیورز که اونلرک هیچ بروقت آنا دیلیله بر اثر تألیف ایتمکدری ده اکلاشیلور.

تورکک مغلوب ایتیمی بیلدیکی قدر تمثیل ایلمکی ده اوکره نمشدر. ازدیکی ملتک مدنیتنه مغلوب اولارق اوز ملتیدن هان واز کچیور مشدر.. تورککده قالان برایز، آنجق آت صیرتنده شان آرایه رق دولتلر ده ویرن جلادتی اجدادینک بعض منقولاتندن عبارتدر. نهایت تورکک، اوجدآ بیوک و تاریخی ملت دائماً هانکی ملتله تماس ایتمش ایسه اونک لسانیه، دینیه، مدنیتیه، غنغنهسیله الفت ایتمش... کندینک اوبالردن، شال اسقیلردن، چین چتهلرندن کتیردیکی هر شیئی اونو تمشدر. بوتورکک ایچون هیچ بر زمان بر قصور اولاماز. فطرت

[*] معناسی: بوفارس لسانیه عجمی احیا ایتدم.

یورویه رك دنیلاری خون و آتشی بوغمش و قوردینی دولتک
بقاسی نامه هیچ برشی* یامامشدر.

پك ناقص بر صورتده بزه قدر ایریشن یاسا ونوره
سندده ینه تأسیسات مدنیه و ملیه نامه هیچ بر اساسه
تصادف ایده میورز. ساده دنیالری تخریب ایتك ایچون
صالدر اجنی جاهل، وحشی عسکرلری آراسنده بر نظام
تأسیسندن عبارت ابتدائی بر شی*! بر شی* که غالب بر اردو
ایله کیردیکی یرده بر مؤسسۀ مدنیه بر اقارق چیقیدینی یوق.
حال بوکه اوتدهده فاتح، ناپولیون، دلی پترو، سلیم
کیردکری یرلرده البته اخلاقك دست تکاملنه بر اساس
ملی و مدنی بر اقره رق کیتمشلدر. اگر اخلاقی اوئی سوه
استعمال ایتش ایسه وارته اسنادایدیله جك بر خطابولامایز.
جنکیز، اخلاقه بر امل ملی ایله موشج بر ملت بر ائادینی
کچی اخلاقی ده بوقانلی بابالریك یایدیغندن فضله بر شی*
یامامشلدر.

سلیم، دنیالری ترمدهده جك بر عزیم دلیرانه ایله حیات
مجاهده سینه باشلادیی وقت بر غایه ده دوغرو پر شوق
و جلادت قوشیوردی:

بهر جمعیت دلهاست پریشانی* ما [*]

ایرانی ییقان و بونی توران - ایران افسانه سندن
قوپمش بر غیظ قدیم ملی به استاد ایتدیره ن جنکیزك
شودعواسی ملیتی دوغرو اولسه ایدی ییقدقدن صوکر
اوبایقوش یوواسنه جویریلن یرلرده بر تورك مدیتی باز لاردی؟
هیچ دوشو نمیورز که زوالی معصوم توركك حالا
سکز عصر دنبری بر درلو ضبط و توقیف ایده مدیکی
سقوط مهالکانه سی ایشه اوکا «غایه ملی» آرایان جنکیزك
حشر ظلمیله باشلامشدر.

سقوط اسلام اوکنده جنکیز دائما محکومدر و اوئی
تبریه ایتك ایچون حقائق تاریخیه نی تغییردن باشقه یول یوقدر.
تاریخ بزه جنکیزی آردینه طاقیدینی ملیونلره
حشرات مخربه اورته سنده، آل قانلره باطمش دهشتلی

[*] معنای: پریشانغمز کوکللر جمع ایتك ایچوندر.

تورکی کویا ناقل مدینت اولق اوزره یار آتمش و اوده
ملیتنه خاص بر سکینت مردهانه ایله بو قیمتی وظیفه نی ایفا
ایتمشدر... دهاها بغداد خلیفه لرینك زماننده «امیرالامراق»
ایله خدمت خلافت کیردیکی دقیقه دن تا بوکونه قدر شو
نقل مدینت وظیفه سنده قطعاً قصور ایتمه مشدر.

عثمانلی تورکری ده اك صوکر ا غریب قوی قار انقلر
ایچنده، محروم عرفان و وقوف یاشیان اتسانلری تنویر
ایتمه دییی؟ نهایت فاتحك استانبولی فتحیله اور و پا ده دور
انتباه آچیلما دییی؟ بو مقدرات تاریخیه نی تغییر ایتك البته
انسانلر ك آئنده دکادی.

ایشته تورکی ایران و عرب مدینتک سینه سنه آلاق
یتشد یرمش اولسی تورانده ایرانه قارشو بر غیظ انطفا
نا پذیر خلق ایتمه مشدر. بودعوا قطعاً دوغری اوله ماز.
اگر توران - ایران خصومتی جنکیزك سائق افعالی
اولق ایجاب ایتسه ایدی اوئی تعقیب ایدن احفادینك ده
عین «غایه» ده دوغرو بر شتاب تعصبکار ایله قوشماسی لازم
کلمزی ایدی؟

کیم اثبات ایده بیلیر که جنکیز ایرانیلشمش تورکری
آزدکن ... او جهانقیمت مداینلری موغول آتلیرینك
التده مبدل تراب و رماد ایتدکن صوکر صرف بر تورك
مدینتی میدان کتیره جك اساسلر قورمشدر!

ناپولیون ده، دلی پترو ده، فاتح ده، اورخان ده جهانکیلر ك
خاصیتلری واردی؛ لکن بونلر ك حرکت ایتدکری نقطه
ایله تعقیب ایلدکری خط آراسنده صیقی بر مناسبت موجود
ایدی. اونلر مقصد سز یورو میور. یالکز یاقق و ییقمق
ایچون کیت میوردی.

شبه یوق، انسان اولدیرمك اعتباریله ناپولیون، دلی
پترو، یا ووز، جنکیزدن پك ده اشاعی قالمازلر. لکن جنکیزدن
بونلری آیران بر سنجیه تاریخی واردر که ایشه اصل نقطه
نظرده بودر.

جنکیز املسز، مقصد سز، ساده سورولرله قبائلی
کوک مونقول بایراغی آلتنه طوبلامق کچی بر قصد ایله

آتيه عرض ايدر كن بخارا، سمرقند كي تورك مملكتلرينك
سهاره يوكسلمش آجي وبوغوجي دومانلري اورتەسندە
« نايە ملي » يە دوغرى قوشديغنى قطعياً كوستره ميور...
بالعكس سنەلرك محصول مساعيدى اولان آثار جليله
مدنيەنك بر آن ايچندە تباہ اولديغنى كورەن جنكيزك ..
حضور دہشتندە محكوم اعدام بر سوري معصوم توركلره
قارشو « بن كوكدن اينە بر بلايم » ديدىكنى سويليور !
بو صاحبقرانك توره ديكي زمان موغوللرك مدنيتلە بر
علاقەلرى يوقدى ؛ بتون موجوديتلرى آت صيرتندە
چابو جليق ايتك، ديكيش طوتدیر امانجە قازاقلە قوشمەدى.
جنكيز سادە ياقق ويقمەقن باشقە بر اساس اجتماعى
وملى يە مالک اولمايان بوسورولرى طوپلادىنى زماندە
اونلرى برعلى مدنيتە سوق ايتيور ... على مدنيتلرى
ييقمەگە كوتورييوردي . چيندە ياپديغك امثال مضاعفى
غربدە ، جنوبدە كوستردى .

شىمدى بوقانلى خاقانك افعال ظالمانە سيلە بزم كوكس
شيشيرمەز ، اقتخار ايتەمزندە بر مناسبت آرامق قدر
عبث برشى يوقدر .

جنكيزك، توركلكى بر يره طوپلامق ايچون چالشدىغنى
فرض ايدنلرك، بوكون اونك ييقديغنك يرينە قويدىنى آثار
كزيده يىزە كوسترملرى لازم كزمى؟ ايرانيلىشمش توركلرى
آزەن، محوايدن جنكيز بوقانلى ايشە باشلاماش اولسەيدى
اورالره بر كره مجراى طييعى وترقيسى بولارق يوروين
مدنيت عاليە اسلاميەنك شوسكز عصرده نە بديعەلر،
نە اختراعلر ، نە اثرلر كوستره جكنىدە دوشونمك لازم
كزمى ؟

جنكيز، ديار اسلامى ييقاركن هيچ بر زمان برامل ،
بر مقصدعلى كوزتمە مشدر . چونكە : جنكيز طرفدارلرينك
شو باطل دعوالرى تنوير ايچون كوستردكلرى دلائلك،
وثائن تاريخيە وعلى الخصوص وقوعات اوگندە پك چوروك
قالديغنى كورييورز . جنكيزك ييقديغنى مدنيت ، تاريخ
مظلوم بشردە او قدر مدەش بر چوتقور براقتشدر كە

عصرلر ، عصر انسانيت درين بر جهل وظلمت ايچنە
دالمش ... اسلام تاريخك صحائف ماتمرنكى معصوم قانلر يە
قزار مشدر .

جنكيزك تورك قبائلى طوپلامش ، دين و مذهبك
اونى باغلاماش اولديغنى بر دقيقە ايچون قبول ايدەلم .
لكس طوپلادىغى قبائلى وحشتزده بر مدنيتك اقتراض
تارمارى اوستندە ابتداء رقصلر اجراسى ايچونى
طوپلامشدى ؟ .. ايشته آثار فكريە بر مجراى وسيع
بولارق انسانيت متفكرەي نوره ، كلاله دوغرو سوق
ايدركن بتون بو بديع وحكيم جمعيت فاضلەي جنكيزك
سہام آتشيى ياقش ، قاوورمش ... مدنيت اسلاميەنك
آبادات مخلدەسى اوستنە هيچ اولمازسە يينە بر تورك
مدنيتى فيشقيرا سيلەجك بر مؤسسە قويا مامشدر .

جنكيزك قانلى هجومندن نە كرايتلر قورتولمش ، نە
خوارزم توركلرى خلاص بولمشدر .. كرايتلر قهرمان
بر قوم ايدى و بو جلادتلى تورك قومنك خشكارىدە
ملتك شجاعت فطريسنە ياقيشان بر جلادتلى حكمدار
ايدى كە جنكيز موغوللرى وطنى ، استقلالنى مدافعەدن
باشقە قصورى اولمايان بوبدبخت اختيار حكمدارك قفاسنى
كسدكلرى وقت جنكيزدە يينى اويديرارق قفا طاسنە
كوموش قابلاتمش اونى قدح يرينە قوللانمشدر . جنكيزك
هر طرفە دن ، آتش ، ظلم كوتورەن طوفان بلاسنە
قارشو قويا نلر ايچندە جاموقا ، جلال ، تيمور ملك كې
تاريخك صحائف تقدير و ابجالتە كچمش قوماندانلرك عاقبت
فجيەسى قارشوسندە بتون بر بشريت ماتمر يز تاثر
اولمايدر . بو بلاى صائلك ييقديغى آثار جليله مدنيتەنك
قيمت ماھيتتى تقدير ايدنلر ايچون بو موغول داهيسنك
سير بلاسنە قارشو طور مقمن باشقە چارە يوقدى .

جنكيز، اسلام-تورك مدنيتنى ييقديغنى وقت اخلافەدە
بو وظيفة تخريبدە داھا شدتلە دوام ايتەيى اوكرەدەرك
چكيدى ، كيتدى .